



COMUNE DE PUTUMAJORE



Allegadu 3: MODELU AVISU

AVISU PÙBLICU

“Mesuras istraordinàrias e urgentes a sustennu de sas famillias pro afrontare s'emergèntzia econòmicu-sotziale chi derivat dae sa pandemia SARS-CO V2”

1. Rechisidos de ammissione

Podent fàghere rechesta sas famillias residentes e domitziliadas in su Comune a sa data de su 23.02.2020:

a) Chi ant cumponentes chi siant (a su mancus una conditzione):

- Traballadores dependentes o autònomos chi apant àpidu una sospensione o minima dura de s'atividade de traballu pro eventos chi torrant a s'emergèntzia de s'epidemia dae Covid-19 e chi sos dadores de traballu issoro non apant àpidu formas de integratzione salariale o bi siant passados a pustis de su decretu lege de su 17 de martzu de su 2020, n. 18;
- Traballadores titulares de raportos de cullaboratzione coordinada e sighida iscritos a sa gestione separada de categorias econòmicas chi ant àpidu s'atividade suspesa o minimada pro s'emergèntzia dae Covid-19;
- Titulares de partidas IVA, est a nàrrere sòtzios de sotziedades iscritos a sa gestione de s'asseguratzione generale obligatòria (AGO) de categòrias econòmicas s'atividade de sas cales est istada suspesa o minimada pro s'emergèntzia dae s'epidemia dae Covid-19;
- Collaboradores e impresas familiares de categòrias econòmicas s'atividade de sas cales est istada suspesa o minimada pro s'emergèntzia dae s'epidemia dae Covid-19;
- Sos chi a sa data de su 23 de freàrgiu de su 2020 no apant rèditu de traballu o de impresa

b) cun rèditu inferiore a € 800,00 netos a su mese in relata a su periodu 23.2.2020 / 23.4.2020.

2. Càusas de esclusione

Non benefitziant de s'Indennidade sas famillias finas a tres pessones in sas cales a su mancus unu cumponente leet una pensione o apat unu rèditu chi derivat dae traballu dependente o dae un'atividade de traballu chi no est istada suspesa o minimada pro eventos chi sunt de torrare a giùghere a s'emergèntzia de s'epidemia dae Covid-19, s'importu de su cale siat che pare o de prus de èuros 800,00, a sa data de presentatzione de sa dimanda.



COMUNE DE PUTUMAJORE



Allegadu 3: MODELU AVISU

3. Critèrios de cuntzessione de sas indennidades

Sas indennidades ant a èssere dadas cunforma a s'òrdine cronòlogicu de presentazione de sas dimandas. S'esàmine at a èssere fata pro famillias e non pro pessones singulas, leende a cunsideru sas informatziones giai connotas dae sos ufizios comunales e de s'autozertificazione de sa cale a s'articulu 6 imbeniente.

Su Comune protzedit in su matessi tempus a s'esàmine de sos bisòngios chi at a èssere ammaniada dae sos ufizios comunales, puru in giuntura e collaborazione cun s'ente gestore de sos servizios sòtziu-assistentziales (PLUS) o de àteros entes.

4. Indennidades chi tocant

S'indennidade si podet summare cun àteras formas de sustennu a su rèditu, puru ligadas a s'emergèntzia de s'epidemia dae Covid-19, finas a lòmperu a 800 èuros a mese pro sas famillias finas a tres cumponentes. Pro onni cumponente in prus sunt cuntzessos 100 èuros.

5. Modalidade e fruitzione de sas providènzias

Sas providènzias ant a èssere dadas cun:

- bonificu postale;
- cartas giai pagadas ;
- bonificu bancàriu;
- àteras formas cunsentidas dae sa lege.

6. Modalidade de presentazione de sa dimanda de atzessu a sas providènzias

Sa dimanda de atzessu a sas indennidades si faghet suta forma de AUTOTZERTIFICAZIONE e costituitu atestazione de veriditidade de sas decraratziones chi bi sunt.

S'autozertificazione **at a dèvere èssere presentada, a cumintzare dae lunis 20 de aprile de su 2020** imprende su modellu apòsitu allegadu, umpare a su documentu de identidade de su rechedente, e at a pòdere èssere trasmitida:

- cun sa PEC a s'indirizzu protocollo@pec.comune.pozzomaggiore.ss.it, umpare a sa *scansione* de su documentu de identidade de su rechedente;
- **a manu: insertada in busta serrada cun s'iscrita "Covid-19 – sostegno alle famiglie per emergenza economica" e depositada in sa cassetta apòsita pro sa posta posta in s'intrada de sa domo comunale de Putumajore, dae su lunis a su chenàbura dae sas 10.00 a sas 13.00;**



COMUNE DE PUTUMAJORE



Allegadu 3: MODELU AVISU

7. Controllos

Su Comune at a fàghere sos controllos netzessàrios, puru a campione, pro su chi pertocat sa veriditzidade de sas declaratziones sostitutivas fatas pro atzèdere a sas pruidèntzias, puru pedende sa produtzione de atestatziones ispetzificas, cando sas diretivas natzionales ant a permitere su cumintzu normale de sas atividades.

S'ammentat chi, a norma de sos art. 75 e 76 de su D.P.R. 28/12/2000, n. 445 e mudaduras e integrazziones imbenientes, chie deccarat cosas non beras est punidu cunforma a su còdighe penale e a sas leges ispetziales in matèria e perdet sos benefitzios chi a manera dàbile at àpidu cun su provedimentu emitidu in base a sa deccaratzione non bera.

8. Responsàbile de su Protzedimentu

Su Responsàbile de su Protzedimentu est sa dut.ra Giuseppa Angela Dettori.

9. Publitzidade

Custu avisu at a èssere publicadu umpare a su modellu de sa dimanda, a s'Albu Pretòriu de su Comune de Putumajore e in sa *home page* de su giassu istituzionale.

10. Informativa subra de su tratamentu de sos datos personales REG. UE N. 679/2016

Su Comune de Putumajore in calidade de titolare de su tratamentu, at a trattare sos datos personales cunferidos mescamente cun modalidades informàticas e telemàticas, pro sa esecutzione de sos còmptos pròpios de interessu pùblichu o semper e cando ligados a s'esertitziu de sos poderios pùblicos, inclùdidas puru sas finalidades de archiviatzione, de chirca istòrica e de anàlisi pro punnas istatìsticas. Sos datos ant a èssere tratados pro totu su tempus netzessàriu a sa congruida de su protzedimentu –protzessu o a s'acumprida de su servitziu- atividade rechestu e, dae como in antis a sa congruida de su protzedimentu-protzessu o sessada de su servitziu-atividade, sos datos ant a èssere remunerados a manera cunforme a sas normas subra de sa remuneradura de sa documentatzione amministrativa.

Sos datos ant a èssere tratados solu dae su personale e dae sos collaboradores de su titolare e ant a pòdere èssere comunicados a sos sugetos designados a manera espressa comente responsàbiles de su tratamentu.

A fora de custas ipòtesi sos datos no ant a èssere comunicados nen difusos a àteros, si no in sos casos prevididos a manera ispetzifica dae su deretu natzionale o de s'Unione europea.

Sos interessados ant deretu de pedire a su titolare de su tratamentu s'atzessu a sos datos personales e sa retifica o sa cantzelladura de sos matessi o sa limitatzione de su tratamentu chi los pertocat o de s'opònnere a su tratamentu (art. 15 e s'ghentes de su RGPD).

Sos interessados, si bi sunt sos presupostos, ant, puru, su deretu de proporre reclamu a s'Autoridade de controllu (*Garante Privacy*) cunforma a sas protzeduras prevididas.

Su Responsàbile de su Servitziu
dut.ra Antonella Iervolino